

存
悔
齋
集

存悔齋集卷五

臣劉鳳誥

經進文

恩獎進呈頌冊並蒙

諭改正字體恭謝奏狀

乾隆五十五年十月二十一日大學士王杰傳

旨召詣

宮門蒙

發下

臣

撰進九有九如篇頌冊恭宣

恩諭褒獎冊內駮驕驕字奉

敕改寫驕字仍令登復繳進

臣

新進穉愚跽聆感悚幸遵

耄齡之盛典竊臚匠宇之歡悰欽

帝德之難名荷

天光之下照

褒以辭工染翰許麤解于方言

訓以書本諧聲須講求夫正體

指詢所及膺服不勝迴思里塾猶尊一字之師增長童蒙待祝
九旬之聖謹遵改恭繳泥首叩謝伏祈

恩鑒

恩賜千叟宴禮成恭謝摺

欽惟

太上皇帝陛下

德懋健行

福崇來備

泰元迴幹積天地悠久之誠

化寓均覃亘日月升恒之曜洪膺

昊貺貞符環百廿之齡溥邕春祺吉筴萃初元之慶曰若伊耆
咨岳之歲聿先姬武受範之年丙炳萬禩以爲期辰振八埏而
成美

聖合德合明合序撰汁大光

乾爲天爲父爲君象連同體汜布寰瀛之喜榮昭溫旭之華沕
穆偕遊麗祲晉集竊以

天祿膺育萬彙于焉受成

皇極斂時庶民惟厥敷錫

仁無不愛協人多壽穀之徵

恩本于

勤擴吾同胞與之量是以飴承

祖澤邇寅年壽讌之

豫觀

綸播國祥亶已歲耆筵之載舉惟景

堯治馨香之舊爰補虞冊橐飫之遺其時

祚當五十叟甫三千來瞻

大圓之天胥登

常喜之世鼎鼎之春秋多益堂堂之甲子周巡總沐

寧培咸斟

醴醢

萬壽壽愷娛遊安

壽宇之寬

十全全昌嚮用致

全人之福而以

椿長茂祚九九得天數以積羸

蘿席衍禧五五周

帝圖而復始

秉大經大法而勤無逸

篤丕承丕顯而敬日強同我太平行其典禮初辛肇建剛獻頌

于辛盤吉亥增書待論年于亥字四專仙英甘涵甕露之流六
出祥花瑞應條風之律位占蒼宿衛雲路于東華人近紫微拱
天闔于北斗清韶闌右允諧瓊釵之音玉篆鑪邊遞引丹霄之
步筦其全不啻八千羨侶齒其最復來百六瀟民有慶
皇春華殿登于會極維祺

壽考法宮象以攸寧閱廿載觀成之久金鏞接燈樹輝煌開
億齡延喜之庥

寶篆儷

鴻文典重

位正中而初御

德太上以增崇香案祥陳琬筵藻集杖差豆等舉台背兒齒之

不知悉等語著

臣

明白回奏伏思館上惟有辦書與議敘兩條

臣所素知總其成於監修專其責於提調

臣

自開館派充纂修

逐日到館疊蒙

皇上天恩派充總纂副總裁謹將辦書議敘兩項情形遵

旨分爲兩條據實覆奏

一從前各館修書需用膳錄多由落第之舉貢生監中考取挑
取與胥役微賤不同凡初到館時止取親身供結迨繕寫時止
取字畫端楷功課足數並不計其是否本生親筆抑係僱人替
寫與考試代倩不同至該生等或本來字迹平常或因事偶須
告假因係官人不容耽誤向來僱人代寫自出筆資既不敢告
知提調自誤將來議敘考成在提調等亦止就其所交字數核

算功課未便問其出資多少牽涉嫌疑遂亦不問其爲代書何人惟期易於催辦且謄錄遇有更換其所僱之書手仍係原人字畫旣屬整齊而繕寫體例亦俱熟諳此歷來各館辦書實在情形臣到京三十年以來所熟聞者也臣自嘉慶四年充實錄館纂修其時補繕

五朝實錄係咨取鄉會試落第舉子充當謄錄因距四庫館蒞事日久京中召募書手爲難其時提調玉麟張剋期督辦每致功課竭蹶不敷且總裁臣王杰彭元瑞逐日到館查閱正本斥其繕寫不工恐失敬謹之道屢行駁換甚至有整年書駁令換寫罰令賠寫者在總裁惟知責成提調在提調惟知責成謄錄而謄錄多係貧苦書生旣恐誤公又懼賠累不得不出貲僱

倩好手繕寫實屬目覩真情至

實錄館辦書

臣

所未經

臣

從前隨彭元瑞覆閱四庫全書知領

辦者有書頭名目曾問

臣

王麟卽係清字經館謄錄當日亦聞

領辦者有經頭名目伊等一經受僱領書卽散回繕寫期日本

寬毫無拘束若

實錄館則定例不許攜出禁城每日辰入酉出誰敢遲到早歸
本館又嚴禁不許炊爨該謄錄書手等勢難枵腹從事偶遇散
遲卽不能出城回寓別無棲身之所故伊等就近於西華門外
賃破廟數間藉資食宿在散處城外者皆免出館無依又可期
明日早到

臣

因聞有公局之名曾親至其地查閱屬實並嚴諭

不許容留閒雜人等情弊至書手係謄錄自僱並非官人亦非

於膳錄之外另設書手伊等每日領書交課及隨時扣算字數
換篇挖補立等付裝苟非熟手承行必至遲延舛錯甚且呼應
不靈是以該膳錄等自行公舉數人以總其成兼可分催衆膳
錄書手限時到館委無把持包攬及提調等私派情弊迨五年
以後施杓長 崑 等陸續接充相沿辦理非但 臣 所深悉卽
各總裁均知其辦公無誤並未飭令更張現在
實錄紅綾黃綾各本六十年并力繕完從來書館未有如此迅
速之事此辦書之實情也

一議敘事例各館皆於書成時奏請今

高宗純皇帝實錄議敘則自嘉慶六年蒙

皇上特恩諭令每遇纂成二十年之書卽無論年限奏請議敘

一次自纂辦乾隆二十年暨四十年兩次之書俱係於繕成黃綾本一分後臣館卽欽遵

恩例奏請議敘其續繕紅綾尊藏各本字數一概歸併其中並不另請議敘上年臘月屆當六十年暨

訓政三年全書告成據施杓等循例具稿臣查

列朝實錄告竣俱於

受書禮成後議敘卽恭屆

皇上受書禮成後賞敘攸關鉅典亦應出自

特恩均非臣下所敢妄請此次止須循例奏明先行懇辭是以臣於底稿內酌改數語又查纂辦

國朝官史續編併補繕前編一部已於十二月進

呈尙有陳設本六分奉

旨交辦均應接續趕繕誠恐明年三月

實錄慶成後各膳錄人員一邀議敘彼時不能指留適十九日
臣戴衢亨由

南書房交出宮史前編六分均須校正又臣記起嘉慶六年彭
元瑞傳

旨交繕天祿琳琅十分亦應一體趨辦令施杓另繕夾片有臣
親筆改稿存據細思此兩分書帙浩繁此項承辦人員本係於
實錄功課之外詢明情願繕校力能兼顧者方准承辦已於奏
稿內逐一聲明卷數分數應遵

旨卽行恭繕統計已寫未寫之書通概計算與前兩次

實錄議敘時先成黃綾本一分卽併紅綾本各分通概計算事例相同並不敢稍涉含混其原稿並夾片俱係提調呈各總裁公閱標畫非臣一人敢逞臆見謹另封進呈至奉

旨賞敘後例由提調核明勞績功課酌分等次經慶桂董誥等提取稿底查閱當卽扣留未畫臣於二十八日在

太廟陪祀聞陳崇本告稱外間有謄錄斂錢之說臣進至

大內卽告知慶桂董誥以提調如敢營私舞弊必當據實嚴叅且

宮史非

實錄可比此次奉

旨係照例議敘不應過優儘可開印另辦慶桂等以所聞事關
贓款囑臣在館密查實據以便公摺叅奏及正月初五日慶桂
董誥英和到館傳詢膳錄人等並面問陳崇本正在查辦間初
六日陳崇本先行入告此先後查辦議敘各種情形也以上二
條臣謹遵

旨據實覆

奏不敢欺飾至臣自初一日卽同曹振鏞到館趕辦畫一事宜
連日漢膳錄書手等皆因畏法森嚴並無功課臣實萬分焦急
除提調漢膳錄等有無實在贓據弊端應聽

欽派大臣審擬并將臣等叅處外臣不勝悚懼之至

咨會東撫覆題左子後裔增設五經博士疏

查原議引司馬遷左邱失明一語稱左邱爲複姓無疑其何以單稱左氏史無明文等語按司馬遷史記十二諸侯年表序云魯君子左邱明因孔子史記具論其語成左氏春秋此卽單稱左氏之明文又漢嚴彭祖公羊春秋引古家語觀周篇云孔子與左邱明乘觀書於周史歸而修春秋之經邱明爲之傳觀此邱明二字聯屬益知左邱非複姓又漢書藝文志載左氏傳三十卷序云邱明論本事作傳舉其官曰左氏著其人曰邱明以別公羊穀梁之以私氏冠書者皆爲確據若係複姓何以不並公羊穀梁稱左邱傳而獨以左氏單稱耶原議謂分左邱二姓惟見應劭風俗通義而未著其何以分等語按今本風俗通無分左邱二姓之說古本唯言邱氏魯左邱明後於左氏則無稱

至唐顏師古謂邱明爲魯左史因稱左邱是邱爲邱明本姓左則冠其官於上毋庸別著其所以分之故也原議引元和姓纂左字注稱臨淄有左邱明後以晉左思爲證疑山東者姓左不姓邱按姓纂明云魯有左邱明又分齊臨淄一望而以晉左思爲邱明後此不能舉魯左氏嫡裔輒以齊奪魯姓纂爲唐林寶佚書說多附會似未便執爲姓左不姓邱之據原議引廣韻邱字註稱左邱明後有河南吳興二望疑唐以前其族久徙他郡不在山東又引姓纂稱太公少子封營邱以邱爲氏左傳稱邾大夫有邱弱其受氏皆在邱明前皆不能斷其無後安見此肥城邱氏必出左邱等語按廣韻邱字註左邱明後與風俗通合其收河南一望是拓跋裔無與邱明事其吳興一望風俗通明

云太公封營邱支孫以邱爲氏世居扶風邱俊持節江淮王莽時不仕居吳興是吳興一望爲邱明後正與廣韻合若疑其不在山東則邱氏族非一人旣未便以後來苗裔之分遽斷其始初本支之絕且山東爲聖賢桑梓各裔繁多何獨於邱明墓之在肥城疑其無居故土守先墓者况我

朝定例關氏博士三人以居江陵者爲是而居解州及洛陽者亦未嘗無人朱氏博士二人以居婺源者爲是而居建安者又未嘗無人據此則肥城邱氏更不得指爲非邱明後人也通考書傳作左傳之左邱明無單姓左複姓左邱之理其曰姓左說始於唐姓左邱說始於宋取證宜從最古似不如據史漢所稱爲最先最確至原議稱現今肥城邱氏族譜可疑處甚多所錄

文不合格詩不諧律等語查邱氏所刊左傳精舍誌或由子孫
舛陋不文粉飾家乘圖美觀聽亦流俗常情要其世系流傳豈
能杜撰卽如誌邱明墓者說各不同斷以魏書地形志元和郡
縣志太平寰宇記及水經汶水篇方知其在肥城爲最確以聚
族之多依墓之久該族人前此并不知有博士之請何所見而
預造一宗譜以爲今日求立博士之助乎是採其譜誌爲世次
之據以見先賢之遺澤未湮似無可深疑者原議又稱儻難斷
其必是必非則疑以傳疑仍照乾隆十六年給以奉祀生等語
伏查乾隆年議給奉祀原非傳疑儻果有可疑斷無濫准他族
淆紊先賢宗祀之理再查我

朝立周公後爲博士時祇有姬氏籍隸咸陽至曲阜之東野氏

不見於古籍因其家有確據遂據而立之況邱明之祠墓後人
無可僞託似應將其七十三代孫邱明善再爲疏請仰懇
皇上天恩敕部覆加核議仍准增設五經博士援据古書之確
證俾膺世守之褒榮庶於公議所繫名器所關兩無遺議矣